

四庫全書薈要

• 乾隆御覽本

子部

欽定四庫全書薈要

子部

世說新語卷中之上



詳校官兵部主事臣雷純

世說新語卷中之上

宋 劉義慶 撰

梁 劉孝標 注

方正第五


陳太丘與友期行期日中過中不至太丘舍去去後乃

至元方時年七歲門外戲

陳寔及紀並已見

客問元方尊君在

不答曰待君久不至已去友人便怒曰非人哉與人期行相委而去元方曰君與家君期日中日中不至則是

無信對子寫父則是無禮友人慚下車引之元方入門不顧

南陽宗世林魏武同時而其薄其為人不與之交及魏武作司空總朝政從容問宗曰可以交未荅曰松柏之

志猶存世林既以忤旨見踈位不配德文帝兄弟每造其門皆獨拜牀下其見禮如此

楚國先賢傳曰宗承字世林南陽安東人父資

有美譽承少而修德雅正矜然不羣微聘不就聞德而至者如林魏武弱冠屢連其門位賓客張積不能得言乃伺承起往要之捉手請交承拒而不納帝後為司空輔漢朝乃謂承曰卿昔不顧吾今可為交承曰松柏

之志猶存帝不說以其名賢猶敬禮之物文帝修子弟
禮就家拜漢中太守武帝平冀州從至郡陳羣等皆為
之拜帝猶以舊情介意薄其位而優其禮就家訪以朝
政居賓客之右文帝徵為直諫大夫明帝欲引以為相
以老
固辭

魏文帝受禪陳羣有感容帝問曰朕應天受命卿何以
不樂羣曰臣與華歆服膺先朝今雖欣聖化猶義形於

色

華嶠諸叙曰魏受禪朝臣三公以下並受爵位華歆

以形色忤時徒為司空不進爵文帝久不憚以問尚

書令陳羣曰我應天受命百辟莫不說喜形於聲色而
相國及公獨有不怡者何邪羣起離席長跪曰臣與相
國曾事漢朝心雖說喜義干其色亦懼陛
下實應見憎帝大說歎息良久遂重異之

郭淮作關中都督甚得民情亦屢有戰庸

魏志曰淮字伯濟太原陽

曲人建安中除平原府丞黃初元年奉使賀文帝踐阼而稽留不及羣臣歡會帝正色責之曰昔禹會諸侯於塗山防風氏後至便行大戮今溥天同慶而卿最留遲何也淮曰臣聞五帝先教導民以德夏后政衰始用刑辟今臣遭唐虞之世是以知免防風氏之誅帝說之擢為雍州刺史遷征西將軍淮在關中三十餘年功績顯著遣儀同三司贈大將軍

淮妻太尉王凌之妹坐凌事當并誅

魏略曰凌

字彥雲太原祁人歷司空太尉征東將軍密被立楚王彪司馬宣王自討之凌自縛歸罪遂謂太傅曰卿直以折簡召我我當不至邪太傅曰以卿非肯逐折簡者也遂使人送至西凌自知罪重試索棺釘以觀太傅意太傅給之凌行至項城夜呼掾屬與決

使者徵攝甚急淮

日行年八十身名俱滅命邪遂自殺

使戒裝克日當發州府文武及百姓勸淮舉兵淮不許
至期遣妻百姓號泣追呼者數萬人行數十里淮乃命
左右追夫人還於是文武奔馳如徇身首之急既至淮
與宣帝書曰五子哀戀思念其母其母既亡則無五子

五子若殞亦復無淮宣帝乃表特原淮妻

世語曰淮妻當從坐侍御

史往收督將及老胡梁坤數千人叩頭請淮上表留妻
淮不從妻上道莫不流涕人人扼腕欲劫留之淮五子
叩頭流血請淮淮不忍視乃命追之於是數千騎往追
還淮以書白司馬宣王曰五子哀母不惜其身若無其
母是無五子五子若亡亦無淮也今雖追還若
於法未通當受罪於主者書至宣王乃表原之

諸葛亮之次渭濱關中震動

蜀志曰亮字孔明琅琊陽都人客於荊州躬耕隴畝

好為梁甫吟長八尺每自比管仲樂毅時人莫之許也唯博陵崔州平穎川徐元直謂為信然先主屯新野徐庶見先主曰諸葛孔明卧龍也將軍宜願見之乎先主曰君與俱來庶曰此人可就見不可屈致也先主遂詣亮謂關羽張飛曰孤之有孔明猶魚之有水也累遷丞相益州牧率衆北征卒於渭南馬

魏明帝深懼晉宣王戰乃遣辛毗為軍司馬

魏志曰毗字佐治潁

川陽翟人

累遷衛尉

宣王既與亮對渭而陳亮設誘譎萬方宣王

果大忿將欲應之以重兵亮遣間諜覘之還曰有一老

夫毅然仗黃鉞當軍門立軍不得出亮曰此必辛佐治

也 晉陽秋曰諸葛亮寇於郿據渭水南原詔使高祖拒

之亮善撫御又戎政嚴明且僑軍遠征糧運艱澀利
在野戰朝廷每聞其出欲以不戰屈之高祖亦以為然
而擁大軍禦侮於外不宜遽露怯弱之形以虧大勢故
秣馬坐甲每見吞并之威亮雖挑戰或遣高祖中裊巾
裊婦女之飾敵以激怒冀獲曹叅之利朝廷慮高祖不
勝忿憤而銜尉辛毗骨鯁之臣帝乃使毗仗節為高祖
軍司馬亮果復挑戰高祖乃奮志將出應之毗仗節中
門而立高祖乃止將士聞見者益加勇銳識者以人臣
雖擁衆千萬而屈於王人大略深長皆如此之類也

夏侯玄既被桎梏

魏氏春秋曰玄字太初譙國人夏侯尚之子大將軍前妻兄也風格高朗

弘辨博暢正始中護軍曹爽誅徵為太常內知不免不
交人事不畜筆研及太傅薨許允謂玄曰子無復憂矣
玄嘆曰士宗卿何不見事乎此人猶能以通家年少遇
我子元子上不吾容也後中書令李豐惡大將軍執政

逆謀以玄代之大將軍聞其謀誅豐收玄送廷尉于寶
晉紀曰初豐之謀也使告玄玄答曰宜詳之爾不以聞
也故及
於難
時鍾毓為廷尉鍾會先不與玄相知因便狎之

玄曰雖復刑餘之人未敢聞命

世語曰玄至廷尉不肯
下解廷尉鍾毓自臨履

玄正色曰吾當何辭為令史責人邪卿便為我作毓
以玄名士節高不可屈而獄當竟夜為作辭令與事相
附流涕以示玄玄視之曰不當若是邪鍾會年少於玄
玄不與交是日於毓坐狎玄正色曰鍾君何得如是
名士傳曰初玄以鍾毓志趣不同不與之交玄被收時
毓為廷尉執玄手曰太初何至於此玄正色曰雖復刑
餘之人不可得交按郭頌西晉人時世相近為晉魏世
語事多詳襄孫盛之徒皆采以著書並云玄距鍾會而
表宏名士傳最後出不依
前史以為鍾毓可謂謬矣

考掠初無一言臨刑東市顏

色不異

魏志曰玄格量弘濟臨
斬顏色不異舉止自若

夏侯泰初與廣陵陳本善本與玄在本母前宴飲

世語曰本

字休元臨淮東陽人魏志曰本廣陵東陽人父驎司徒
本歷郡守廷尉所在操綱領舉大體能使羣下自盡有
率御之才不親小事不讀法律

本弟騫

晉陽秋曰騫字
休洲司徒第二

子無騫諤風滑稽而
多智謀任至大司馬

行還徑入至堂戶泰初因起曰可

得同不可得而雜

名士傳曰玄以鄉黨貴齒本不論德
位年長者必為拜與陳本母前飲騫

來而出其可得同
不可得而雜者也

高貴鄉公薨內外誼譁

魏志曰高貴鄉公諱髦字彥士
文帝孫東海定王霖之子也初

封鄆縣高貴鄉公好學風成齊王廢羣臣迫之即皇帝位漢晉春秋曰自曹芳事後魏人省徹宿衛無復鎧甲諸門戎兵老弱而已曹髦見威權日去不勝其忿召侍中王沈尚書王經散騎常侍王素謂曰司馬昭之心路人所知也吾不能坐受廢辱今日當與卿白出討之王經諫不聽乃出懷中板令投地曰行之決矣正使死何所恨況不必死耶於是入白太后沈業奔走告昭昭為之備髦遂率僮僕數百鼓譟而出昭弟屯騎校尉佃入遇髦於東止車門左右訶之佃棄奔走中護軍賈充又逆髦於南闕下髦自用劔來欲退太子舍人成濟問充曰事急矣當云何充曰公當汝等正為今日今日之事無所問也濟即前刺髦刃出於背魏氏春秋曰帝將誅大將軍詔有司復進位相國加九錫帝夜自將冗從僕射李昭黃門從官焦伯等下陵雲臺鎧仗授兵欲因際會遣使自出致討會雨而卻明日遂見王經等出黃素詔於懷曰是可忍也孰不可忍今當決行此事帝遂

拔劔升輦率殿中宿衛倉頭官僮擊鼓出雲龍門百
充自外而入帝師潰散帝猶稱天子子劔奮擊衆莫敢
逼先率勵將士騎督成倖弟濟以
牙進帝崩於師時暴雨雷電晦冥

司馬文王問侍中陳

泰曰

魏志曰泰字玄伯
司空奉之子也

何以靜之泰云唯殺賈充以謝

天下文王曰可復下此不對曰但見其上未見其下

寶干

晉紀曰高貴鄉公之殺司馬文王召朝臣謀其故太常
陳泰不至使其舅荀顛召之告以可不泰曰世之論者
以泰方於舅今舅不如泰也子弟內外咸共逼之垂涕
而入文王待之由室謂曰玄伯知何以處我對曰可誅
賈充以謝天下文王曰為我更思其次泰曰唯有進於
此不知其次文王乃止漢晉春秋曰曹髦之薨司馬昭
聞之自投於地曰天下謂我何於是召百官議其事昭
垂涕問陳泰曰何以居我泰曰公光輔數世功蓋天下

謂當並述古人垂美於後一旦有殺君之事不亦惜乎
速斬賈充猶可以自明也昭曰公問不可得殺也卿更
思餘計泰厲聲曰意唯有進於此耳餘無足委者也歸
而自殺魏氏春秋曰泰勸大將軍誅賈充大將軍曰卿
更思其他泰曰豈可使
泰後發後言遂嘔血死

和嶠為武帝所親重語嶠曰東官頃似更成進卿試往

看還問何如答云皇太子聖質如初

晉諸公贊曰嶠字長興汝南西平人

父適太常知名嶠少以雅量稱深為賈充所知每向世
祖稱之歷尚書太子少傅于寶晉紀曰皇太子有醇古
之風美於信受侍中和嶠數言於上曰季世多偽而太
子尚信非四海之主憂太子不丁陛下家事願追思文
武之昨上既重長適又懷齊王朋黨之論弗入也後上
謂嶠曰太子近入朝吾謂差進卿可與苟有中共往言

及頭來詰還對上曰太子明識弘新有如明詔問楊
對曰聖質如初上默然晉陽秋曰世祖疑惠帝不可承
繼大業遣和嶠荀勗往觀察之既見勗稱嘆曰太子德
更進茂不同於故楊曰皇太子聖質如初此陛下家事
非臣所盡天下聞之莫不稱嶠為忠而欲反滅勗也
案荀顛清雅性不阿諛校之二說則孫盛為得也

諸葛靚後入晉除大司馬召不起以與晉室有讎常背
洛水而坐與武帝有舊帝欲見之而無由乃請諸葛妃
呼靚既來帝就太妃間相見禮畢酒酣帝曰卿故復憶
竹馬之好不靚曰臣不能吞炭漆身今日復覩聖顏因

涕泗百行帝於是慚悔而出

晉諸公贊曰吳亡靚入洛以父誕為太祖所殺誓不

見世祖世祖叔母琅邪王妃觀之姊也帝後因觀在姊
間往就見馬觀逃於廁中於是以至孝發名時嵇康亦
被法而康子紹死蕩陰之役護者咸曰觀
紹觀二人然後知忠孝之道區以別矣

武帝語和嶠曰我欲先痛罵王武子然後爵之嶠曰武

子雋爽恐不可屈帝遂召武子苦責之因曰知愧不

諸晉

公贊曰齊王當出藩而王濟諫請無數又累遣常山王
與婦長廣公主共入籍額陳乞留之世祖甚惠謂王戎
曰我兄弟至親今出齊王自朕家計而甄德王濟連連
婦入來生哭人邪濟等尚爾况餘者乎濟自此被責左
遷國子
祭酒
武子曰尺布斗粟之謠常為陛下恥之

漢書曰淮南厲

王長高祖少子也有罪文帝從之於蜀不食而死民作
歌曰一尺布尚可縫一斗粟尚可舂兄弟二人不能相

容噴註曰言一尺布帛可縫而共衣一斗米
粟可舂而共食况以天下之廣而不相容也

他人能令

疏親臣不能使親疏以此愧陛下

杜預之荊州頓七里橋朝士悉祖

王隱晉書曰預字元
凱京兆杜陵人漢御

史大夫延年十一世孫祖養魏太保父恕幽州荊州刺
史預智謀淵博明於治亂常稱立德者非所企及立功
立言所庶幾也累遷河南尹為鎮南將軍都督荊州諸
軍事鎮南陽以平吳勲封當陽侯預無伎藝之能身不
跨馬射不穿札而每有大事輒在
將帥之限贈征南將軍儀同三司預少賤好豪俠不為

物所許楊濟既名氏雄俊不堪不坐而去

八王故事曰
濟字文通弘

農人楊駿弟也有才識累
遷太子太保與駿同誅

須臾和長輿來問楊右衛何

在客曰向來不坐而去長輿曰必大夏門下盤馬往大

夏門果大閱騎長輿抱內車共載歸坐如初

杜預拜鎮南將軍朝士悉至皆在連榻坐

語林曰中朝方鎮還不與

元凱共坐預征吳還獨榻不與賓客共也

時亦有裴叔則羊祜舒後至曰杜

元凱乃復連榻坐客不坐便去

晉諸公贊曰羊琇字稱舒泰山人通濟有才幹

與世祖同年相善謂世祖曰後富貴時見用作領護軍各十年世祖卽位累遷左將軍特進

杜請裴

追之羊去數里住馬既而俱還杜許

晉武帝時荀勗為中書監

虞預晉書曰勗字公曾潁川潁陰人漢司空典曹孫也十

餘處能屬文外祖鍾繇曰此兒當及其曾祖
為安陽令民生為立祠累遷侍中中書監

和嶠為令

故事監令由來共車嶠性雅正常疾日助諂諛

王隱晉書
曰助性佞

蜀舉太子出奔王當時私議損國害民孫

後公車來嶠

劉之匹也後世若有良史當著佞倖傳

便登正向前坐不復容勗勗方更覓車然得去監令各

給車自此始

曹嘉之晉紀曰中書監令常同車入朝至
和嶠為令而荀勗為監嶠意強抗專車而

坐乃使監令異

車自此始也

山公大兒著短恰車中倚武帝欲見之山公不敢辭問

兒兒不肯行時論乃云勝山公

晉諸公贊曰山該字伯倫司徒濟長子也雅有

器識仕至

左衛將軍

向雄為河內主簿有公事不及雄而太守劉淮橫怒遂
與杖遣之雄後為黃門郎劉為侍中初不交言武帝聞
之敕雄復君臣之好雄不得已詣劉再拜曰向受詔而
來而君臣之義絕何如於是即去武帝聞尚不和乃怒
問雄曰我令卿復君臣之好何以猶絕

漢晉春秋曰雄字茂伯河內人

世語曰雄有節概仕至黃門郎獲軍將軍按王隱源盛
不與故君相聞後曰昔在晉初河內溫縣領杖向雄送
御犢牛不充呈郡輒隨比送洛值天大熱郡送牛多喘
死壹法甚重太守吳奮召雄與杖雄不受杖曰郡牛者

亦死也。呈斗者亦死也。奮大怒，下雄獄，將大治之。會司隸辟雄都官從事，數年為黃門侍郎，奮為侍中，同省相辟，不相見。武帝聞之，給雄酒禮，使詣奮解。雄乃奉詔。此則非劉淮也。晉諸公贊曰：淮字君平，泮園村人，少以清正稱。累遷河內太守。侍中尚書僕射司徒。

雄曰：古之君子進人以禮，退人

以禮。今之君子進人若將加諸膝，退人若將墜諸淵。臣於劉河內不為戎首，亦已幸甚。安復為君臣之好？武帝

從之。

禮記曰：穆公問於子思曰：為舊君反服，古與？子思曰：古之君子進人以禮，退人以禮。故有舊君反服

之禮。今之君子進人若將加諸膝，退人若將墜諸淵。無為戎首，不亦善乎？又何反服之有？鄭玄曰：為兵主求攻

伐故曰戎首也。

齊王冏為大司馬輔政

虞預晉書曰冏字景治齊王攸子也少聰惠及長謙約好施趙

王倫篡位冏起義兵誅倫拜大司馬加九錫政皆決之而恣用羣小不復朝覲遂為長沙王所誅

嵇紹

為侍中詣冏咨事冏設宰會召葛旗

齊王官屬名曰旗字虛旗齊王從事

中郎晉陽秋曰齊王起義轉長史既克

趙王倫與董艾等專執威權冏敗見誅

董艾等八王故事曰艾

字叔智弘農人祖遇魏侍中父綏祕書監艾少好功名不脩士檢齊王起義艾為新汲令赴軍用艾領右將軍

王敗見誅

共論時宜旗等白冏嵇侍中善於絲竹公可令操

之遂送樂器紹推卻不受冏曰今日共為歡卿何卻耶

紹曰公協輔皇室令作事可法紹雖官卑職備常伯操

絲比竹蓋樂官之事不可以先王法服為伶人之業今
逼高命不敢苟辭當釋冠冕襲私服此紹之心也旗等
不自得而退

盧志於衆坐

世語曰志字子通范陽人尚書珽少子少
知名起家鄴令歷成都王長史衛尉卿尚

書 郎 問陸士衡陸遜陸抗是君何物

抗已見吳書曰遜字
伯言吳郡人世為冠

族初領海昌令號

答曰如卿於盧毓盧珽

魏志曰毓字
子家涿人父

神君累遷丞相

植有名於世累遷吏部郎尚書選舉先性行而後言
才進司空珽成然中為泰山太守字子笏位至尚書

士

龍失色

雲別見

既出戶謂兄曰何至如此彼容不相知也

士衡正色曰我父祖名播海內寧有不知鬼子敢爾

此孔

志怪曰盧充者范陽人家西三十里有崔少府墓充先
冬至一日出家西獵見一麀舉弓而射即中之麀倒而
復起充逐之不覺遠忽見一里門如府舍門中一鈴下
有唱家前充問此何府也答曰少府府也充曰我衣惡
那得見貴人即有人提襪新衣迎之充著盡可體便進
見少府展姓名酒炙數行崔曰近得尊府君書為君索
小女婚故相延耳即舉書示充充父亡時雖小然已見
父手迹便歎數無辭崔即教內令女郎莊嚴使充就東
廊充至婦已下車立席頭共拜為三日畢還見崔崔曰
君可歸矣女有娠相生男當以相還生女當留自養教
外嚴車送客崔送至門執手零涕離別之感無異生人
復致衣一襲被褥一副充便上車去如電逝須臾至家
家人相見悲喜推問知崔是亡人而入其墓追以懊恍
居四年三月三日臨水戲忽見一犢車乍浮乍沒既上

岸充往開車後戶見崔氏女與三歲男兒共載充見之
忻然欲捉其手女舉手指後車曰府君見人即見少府
充往問訊女抱兒還充又與金益別并贈詩曰煌煌靈
芝質光麗何猗猗華豔當時顯嘉異表神奇舍莫未及
秀中夏雁霜萎榮曜長幽滅世路永無施不悟陰陽運
哲人忽來儀會淺別離速皆由靈與祗何以贈余親金
益可願兒受恩從此別斷絕傷肝脾充取兒益及詩忽
不見二車處將兒還四坐謂是鬼魅愈遠唾之形如故
問兒誰是汝父兒還就充懷衆初怪惡傳者其詩慨然
嘆死生之主通也充詣市賣益高舉其價不欲速售冀
有識者歛有一老婢問充得益之由還報其大家即女
姨也遣視之果是謂充曰我姨姊崔少府女未嫁而亡
家親痛之贈一金益著棺中今視卿益甚似得益本未
可得聞不充以事對即詣充家迎兒兒有崔氏狀又似
充貌姨曰我舅甥三月末間產父曰春煥温也願休強
也即字温休温休蓋幽婚也其兆先彰矣兒遂成為令

器歷數郡二千石皆著績其後生植為漢
尚書植子毓為魏司空冠蓋相承至今也
議者疑二陸

優劣謝公以此定之

羊忱性甚貞烈趙王倫為相國忱為太傅長史乃版以
參相國軍事使者卒至忱深懼豫禍不暇被馬於是帖
騎而避使者追之忱善射天左右發使者不敢進遂得

免文字志曰忱字長和一名陶泰山平陽人世為冠族
父錄車騎掾忱歷太傅長史揚州刺史遷侍中永嘉

五年遭亂被
害年五十餘

王太尉不與庾子嵩交

王夷甫
庾敳

庾卿之不置王曰君不

得為爾庾曰卿自君我我自卿卿我自用法卿自用

卿法

阮宣子伐社樹

阮修已見春秋傳曰共工氏有子曰句龍為后土后土為社風俗通曰孝經稱

社者土也廣博不可備敬故風土以為社而祀之報功也然則社自祀句龍非土之祭也

有人止之

宣子曰社而為樹伐樹則社亡樹而為社伐樹則社移矣

阮宣子論鬼神有無者或以人死有鬼宣子獨以為無曰今見鬼者云著生時衣服若人死有鬼衣服復有鬼

耶論衡曰世謂人死有鬼非也人死不為鬼無知不能害人如審鬼者死人精神人見之宜從裸祀之形無為見衣帶被服也何則衣無精神也由此言之見衣服象人則形體亦象人象人知非死人之精神也凡天地之間有鬼非人

死之精神也

元皇帝既登阼以鄭后之寵欲舍明帝而立簡文時議者咸謂舍長立少既於理非倫且明帝以聰亮英斷益宜

為儲副周王諸公並苦爭懇切

中興書曰鄭太后字阿春榮陽人少孤先嫁田氏夫

亡依舅吳氏時中宗敬后虞氏先崩將納吳氏后與吳氏士遊後園有言之於中宗者納為夫人甚寵生簡文

帝即位尊之

曰文宣太后

唯乃立亮獨欲奉少主以阿帝旨元帝便

欲施行慮諸公不奉詔於是先喚周侯丞相入然後欲

出詔付刀刀協周王既入始至階頭帝逆遣傳詔遏使就

東廂周侯未悟即卻略下階丞相披撥傳詔徑至御床

前曰不審陛下何以見臣帝默然無言乃操懷中黃紙

詔裂擲之由此皇儲始定周侯方慨然愧歎曰我常自

言勝茂弘今始知不如也

中興書曰元皇以明帝及琅邪王昶並非敬后所生而謂

昶有大成之度勝於明帝因從客問王導曰立子以德不以年今二子孰賢導曰世子宣城俱有典明之德莫能優劣如此故當以年於是更封昶為琅邪王而此與世說五異然法盛采摭典故以何為實且從容調諫理

或可安直有登階一言曾
無奇說便為之改計乎

王丞相初在江左欲結援吳人請婚陸太尉對曰培塿

無松柏薰蕕不同器

杜預左傳注曰培塿小阜松
柏大木也薰蕕香草猶臭草

玩雖

不才義不為亂倫之始

玩已
見

諸葛恢大女適太尉庾亮兒

恢別傳曰恢字道明琅邪
陽都人祖誕司空父覲亦

知名恢少有令問稱為明賢
避難江左中宗召補主簿
累遷尚書令庾氏譜曰庾亮子會娶恢女名文彪庾會
別次女適徐州刺史羊忱兒
羊氏譜曰羊楷字道茂祖
繇車騎掾父忱侍中楷仕

至尚書郎娶

亮子被蘇峻害改適江彪

彪別

恢兒娶鄧

諸葛恢次女

伎女

諸葛氏譜曰恢子衡字峻文仕
王榮陽太守娶河南鄆伎女

於時謝尚書求其

小女婚恢乃云羊鄧是世婚江家我顧伊庾家伊顧我

不能復與謝哀兒婚

永嘉流人名曰哀字幼儒陳郡人
父衡博士哀歷侍中吏部尚書吳

國內及恢亡遂婚

謝氏譜曰哀子石娶恢小女名文熊
中興書曰石字石叔歷尚書令聚斂

無厭取
機富世

於是王右軍往謝家看新婦猶有恢之遺法威

儀端詳容服光整王歎曰我在遣女裁得爾耳

周叔治作晉陵太守周侯仲智往別叔治以將別涕泣

不止仲智恚之曰斯人乃婦女與人別唯啼泣便舍去

鄧粲晉紀曰周謨字叔治顯次弟也仕至中護軍高字仲智謀凡也性狡直果俠每以才氣陵人顯被害王敦使人弔焉高曰亡兄天下有義人為天下無義人所殺復何所弔敦甚銜之猶取為從事中郎因事誅高晉陽

秋曰蒿事傳

周侯獨留與飲酒言語臨別流涕撫其背

臨刑猶誦經

曰奴好自愛

阿奴謀小字

周伯仁為吏部尚書在省內夜疾危急時刁玄亮為尚

書令營救備親好之至良久小損

虞預晉書曰刁協字玄亮勃海饒安人少

好學雖不研精而多所博涉中興制度皆稟於協累遷尚書令中宗信重之為王敦所忌舉兵討之奔至江南

數死明旦報仲智仲智狼狽來始入戶刁下牀對之大泣

說伯仁昨危急之狀仲智手批之刁為辟易於戶側既前都不問病直云君在中朝與和長輿齊名那與佞人刁協有情逕便出

王含作廬江郡貪濁狼籍王敦護其兄故於眾坐稱家兄在郡定佳廬江人士咸稱之時何充為敦主簿在坐正色曰充即廬江人所聞異於此敦默然旁人為之反側充晏然神意自若

中興書曰王敦以震主之威收羅賢高辟充為主簿充知敦有異志

達趨殊外及敦稱含有惠政一坐畏敦擊節而已充獨抗之其時眾人為之失色由是忤敦出為東海王文學

顧孟著嘗以酒勸周伯仁伯仁不受顧因移勸柱而語

柱曰詎可便作棟梁自遇周得之欣然遂為衿契

徐廣
晉紀

曰顧顧字孟著吳郡人驃騎祭兄子少有

重名奉典中為騎郎早卒時為悼惜之

明帝在西堂會諸公飲酒未大醉帝問今名臣共集何

如堯舜時周伯仁為僕射因厲聲曰今雖同人主復那

得等於聖治帝大怒還內作手詔滿一黃紙遂付廷尉

令收因欲殺之

按明帝未即位頭已為
王敷所殺此說非也

後數日詔出周

羣臣往省之周曰近知當不死罪不足至此王大將軍

當下時咸謂無緣爾伯仁曰今主非堯舜何能無過且

人臣安得稱兵以向朝廷處仲狼抗剛愎王平子何在

顛別傳曰王敦討劉琨時溫太真為東宮庶子在承華門外與顛相見曰大將軍此舉有在茲無有濫顛曰君年少帝更事未有大臣若此而不作亂共相推戴數年而為此者乎處仲狼抗而強忌平子何在晉陽秋曰王澄為荊州羣賊並起乃奔豫章而恃其宿名猶陵侮敦敦仗勇士路戎等搯而殺之裴子曰平子從荊州下大將軍因欲殺之而平子左右有二十人甚健皆持鐵楯馬鞭平子恒持玉枕大將軍乃搗荊州文武二十人積飲食皆不能動乃借平子玉枕便持下牀平子手引大將軍帶絕與力士鬪甚苦乃得上屋上久許而死

王敦既下住船石頭欲有廢明帝意賓客盈坐敦知帝

聰明欲以不孝廢之每言帝不孝之狀而皆云温太真所說温嘗為東宮率後為吾司馬甚悉之須臾温來敦

便奮其威客問温曰皇太子作人何似温曰小人無以

測君子敦聲色並厲欲以威力使從已乃重問温太子

何以稱佳温曰鈞深致遠蓋非淺識所測然以禮侍親

可稱為孝

劉謀之晉紀曰敦欲廢明帝言於來曰太子子道有虧温司馬昔在東宮悉其事焉既正

言敦恣而愧焉

王大將軍既反至石頭周伯仁往見之謂周曰卿何以

相負對曰公戎車犯正下官忝率六軍而王師不振以

此負公

晉陽秋曰王敦既下六軍敗績頭長史郝玘及左右文武勸頭避難頭曰吾備位大臣朝廷傾

挽豈可草間求活技身胡虜邪乃與朝士詣敦敦

曰近日賊有餘力不對曰恨力不足豈有餘邪

蘇峻既至石頭百僚奔散

王隱晉書曰峻字子高長廣掖人少有才學仕郡主簿舉

孝廉值中原亂招合流舊三千餘家結壘本縣宣示王

化收莫枯骨遠近感其恩義咸共宗焉討王敦有功封

公遷歷陽太守峻外營將表曰鼓自鳴峻自斫鼓曰我

卿里時有此則空城有項詔書徵峻峻曰臺下云我反

反豈得活邪我寧石頭望廷尉不能廷尉望石頭乃作

亂晉陽秋曰峻率衆二萬濟自橫江至於蔣山王師敗

績

唯侍中鍾雅獨在帝側或謂鍾曰見可而進知難而

退古之道也君性亮直必不容於寇讎何不用隨時之
宜而坐待其弊邪鍾曰國亂不能匡君危不能濟而各
遜遁以求免吾懼董狐將執簡而進矣

庚公臨去顧語鍾後事深以相委鍾曰棟折榱崩誰之
責邪庚曰今日之事不容復言卿當期克復之效耳鍾

曰想足下不愧荀林父耳

春秋傳曰楚莊王圍鄭晉使荀林父率師救鄭與楚戰於

邲晉師敗績桓子歸請死晉平公將許之士貞子諫而止後林父敗亦狄子曲梁賞桓子狄臣子室亦賞士伯以爪衍之田曰吾獲狄田子

之功也微子吾喪伯氏矣

蘇峻時孔羣在橫塘為匡術所逼王丞相保存術

會稽後賢

記曰羣字敬休會稽山陰人祖竺吳豫章太守父爽全椒令羣有智局任至御史中丞晉陽秋曰匡術為阜陵令逃亡無行度亮徵蘇峻術勸峻誅亮遂與峻同反後以宛城降

因衆坐戲語令術勸

羣酒以釋橫塘之憾羣答曰德非孔子厄同匡人

家語曰孔

子之宋匡簡子以甲士圍之子路怒奮戟將戰孔子止之曰夫詩書之不講禮樂之不習是丘之過也若迷先王之道而為咎者非丘罪也命也夫歌子和

汝子路彈劍孔子和之曲三終匡人解甲罷

雖陽和布

氣鷹化為鳩至於識者猶憎其眼

禮記月令曰仲春之月鷹化為鳩鄭立曰

鳩播穀也夏小正曰鷹則為鳩鷹也者其殺之時也鳩也者非殺之時也善變而之仁故具之

蘇子高事平

靈鬼志謠微曰明帝初有謠曰高山崩石自破高山峻也碩峻弟也後諸公誅峻碩

猶據石頭潰散而逃追斬之

王庾諸公欲用孔廷尉為丹陽

孔亂離

之後百姓彫弊孔慨然曰昔肅祖臨崩諸君親升御牀並蒙眷識共奉遺詔孔坦疏賤不在顧命之列既有艱難則以微臣為先今猶俎上腐肉任人膾截耳於是拂

衣而去諸公亦止

按王隱晉書蘇峻事平陶侃欲將坦上用為豫章太守坦辭母老不行臺

以為吳郡吳郡多名族而坦年少乃授吳興內史不聞尹京

孔車騎與中丞共行

孔愉別傳曰愉字敬康會稽山陰人初辟中宗參軍討華轍有功封

餘不亭侯愉少時常得一龜放於餘不溪中龜中路左顧者數遍及後鑄印而龜左顧更鑄猶如此印師以聞愉悟取而佩焉景遠尚書左僕射贈車騎將軍中丞孔羣也

在御道逢匡術賓從甚

盛因往與車騎共語中丞初不視直云鷹化為鳩衆鳥猶惡其眼術大怒便欲刃之車騎下車抱術曰族弟發狂卿為我宥之始得全首領

梅願嘗有惠於陶公後為豫章太守有事王丞相遣收之侃曰天子富於春秋萬幾自諸侯出王公既得錄陶公何為不可放乃遣人於江口奪之

晉諸公贊曰願字仲真汝南西平人

少好學隱退而求實進止永嘉流人名曰顧領軍司馬
顧弟陶字叔真鄞紫音紀曰初有諧侃於王敦者乃以
從弟廩代侃為荊州左遷侃廣州侃吏士距廩而求侃
數聞大怒及侃將莅廣州過敦敦陳兵欲害侃敦咨議
參軍梅陶諫敦乃止厚禮而遣之王隱音音亦
同按二書所叙則有惠於陶是梅陶非顧也

顧見陶

公拜陶公止之顧曰梅仲真鄰明日豈可復屈邪

王丞相作女伎施設牀席蔡公先在坐不說而去王亦

不留

蔡司徒別傳曰謨字道明濟陽考城人博學有識
避地江左歷左光祿錄尚書事揚州刺史薨贈司

空

何次道庾季堅二人並為元輔

晉陽秋曰庾冰字季堅
太尉亮之弟也少有檢

據凡亮帝器之曰吾家晏年
仲累遣車騎將軍江州刺史
成帝初崩于時嗣君未定

何欲立嗣子庾及朝議以外寇方強嗣子冲幼乃立康

帝

中興書曰帝諱岳字世同成帝同母弟也成帝崩即位年二十二

康帝登阼會羣臣

謂何曰朕今所以承大業為誰之議何答曰陛下龍飛
此是庾冰之功非臣之力於時用微臣之議今不親盛

明之世

晉陽秋曰初顯宗臨崩庾冰議立長君何充謂宜奉皇子爭之不得充不自安求處外任及冰

出鎮武昌充自京馳還言於帝曰冰不宜出昔年陛下龍飛使晉德再隆者冰之勲也臣無與焉

帝有

慙色

江僕射年少王丞相呼與共碁王手嘗不如兩道許而欲敵道戲試以觀之江不即下王曰君何以不行江曰

恐不得爾

徐廣晉紀曰江彪字思立陳留人博學知名兼善奕為中興之冠累遷尚書左僕射護軍

將軍傍有客曰此年少戲迺不惡王徐舉首曰此年少非

唯圍棋見勝

范江碁品曰彪與王恬等碁第一品導第五品

孔君平疾篤庾司空為會稽省之庾相問訊甚至為之

流涕庾既下牀孔慨然曰大丈夫將終不問安國寧家

之術迺作兒女子相問庾聞回謝之請其詰言

王隱晉書曰坦

方直而
有雅望

桓大司馬詣劉尹臥不起桓彎彈彈劉枕丸迸碎床褥

間劉作色而起曰使君如磬地寧可鬪戰取勝

中興書
曰溫嘗

為徐州刺史沛國屬徐州故呼

桓甚有恨容

劉尹與
長已見

溫使君鬪戰者以溫為將也

後來年少多有道深公者深公謂曰黃吻年少勿為評

論宿士昔嘗與元明二帝王庾二公周旋

高逸汝門傳
曰晉元明二

帝遊心玄虛託情道味以賓友禮待法

師王公庾公傾心側席好同臭味也

王中郎年少時

坦之
已見

江彪為僕射領選欲擬之為尚書

郎有語王者王曰自過江來尚書郎正用第二人何得

擬我江間而止

按王彪之別傳曰彪之從伯導謂彪之曰選曹舉汝為尚書郎幸可作諸王佐

邪此知郎官

寒素之品也

王述轉尚書令事行便拜文度曰故應讓杜許藍田云

汝謂我堪此不文度曰何為不堪但克讓自是美事恐

不可闕藍田慨然曰既云堪何為復讓人言汝勝我定

不如我

述別傳曰述嘗以謂人之處世當先量己而後動義無虛讓是以應辭便當固執其真正不踰

皆此

類

孫興公作庾公誄文多託寄之辭

韓集載誄文曰咨子興公風流同歸擬量

記情視公猶師君子之交相與無私虛中納是吐誠誨非雖實不敏敬佩服壯年永載語古口誦心悲

既成

示庾道恩庾見慨然送還之曰先君與君自不至於此

道恩庾義小字徐廣晉紀曰義字叔和太和

亮第三子拔尚率到位建威將軍吳國內史

王長史求東陽撫軍不用簡後疾篤臨終撫軍哀嘆曰

吾將負仲祖於此命用之長史曰人言會稽王癡真癡

王濛

已見

劉簡作桓宣武別駕後為東曹參軍

劉氏譜曰簡字仲尚南陽人祖喬豫

州刺史父挺潁川太守

簡任至大司馬參軍

頗以剛直見疏嘗聽記簡都無

言宣武問劉東曹何以不下意答曰會不能用宣武亦

無怪色

劉真長王仲祖共行日旰未食有相識小人貽其餐肴

案甚盛真長辭焉仲祖曰聊以充虛何苦辭真長曰小

人都不可與作緣

孔子稱唯女子與小人為難養近之則不避遠之則怨劉尹之意蓋從此言也

王修齡嘗在東山甚貧乏

司州

陶胡奴為烏程令

胡奴陶範小字

也陶侃別傳曰範字道則侃第十子也侃諸子

中最知名歷尚書秘書監何法盛以為第九子

送一船

米遺之卻不肯取直答語王修齡若飢自當就謝仁祖
索食不須陶胡奴米

阮光祿

阮裕已見

赴山陵至都不往殷劉許過事便還諸人

相與追之既亦知時流必當逐已乃適疾而去至方山

不相及

中興書曰裕終日類然無所錯綜而物自宗之

劉尹時為會稽乃嘆曰

我入當泊安石渚下耳不敢復近思曠傍伊便能捉杖
打人不易

王劉與桓公共至覆舟山看酒酣後劉牽脚加桓公頸

桓公甚不堪舉手撥去既還王長史語劉曰伊詎可以

形色加人不

溫別傳曰溫有豪邁風氣也

桓公問桓子野謝安石料萬石必敗何以不諫

子野桓伊小字

也續晉陽秋曰伊字叔夏燕國鉅人父景護軍將軍伊

少有才藝又善聲律加以操悟者率為王濛劉惔所知

累遷豫州刺史

史贈右將軍子野答曰故當出於難犯耳桓作色曰萬

石撓弱凡才有何嚴顏難犯

羅君章曾在人家主人令與坐上客共語答曰相識已

多不煩復爾

羅府君別傳曰含字君章桂陽棗陽人蓋楚熊姓之後敬土羅國遂氏族焉後寓湘

境故為桂陽人舍臨海太守彥曾舉潁陽太守齡少子也桓宣武辟為別駕以官廨誼授於城西池小洲上立茅茨伐木為牀絨筆為席布木蔬食晏若有餘桓公嘗謂爽坐曰此自江左之清秀豈唯荆楚而已累遷散騎常侍廷尉長沙相致仕中散大夫門施行馬舍自在官舍有一白雀栖集堂宇及致仕還家階庭忽蘭菊挺生豈非至行之徵邪

韓康伯病拄杖前庭消搖

韓伯已見

見諸謝皆富貴轟隱交

路歎曰此復何異王莽時

漢書曰王莽宗族凡十侯五大司馬

王文度為桓公長史時桓為兒求王女王許洛藍田

王坦之

之王述並已見

既還藍田愛念文度雖長大猶抱著膝上文度

因言桓求已女婚藍田大怒排文度下膝曰惡見文度
已復癡畏桓溫面兵那可嫁女與之文度還報云下官
家中先得婚處桓公曰吾知矣此尊府君不肯耳後桓

女遂嫁文度兒

王氏譜曰坦之子愷娶桓溫第二女字伯子中興書曰愷字茂仁歷吳國內史

丹陽尹

贈太常

王子敬數歲時嘗看諸門生樗蒲見有勝負因曰南風

不競

春秋傳曰楚伐鄭師曠曰不害吾驟敗南風南風不競多死聲楚必無功杜預曰歌者吹律以咏八

風南風音微故曰不競也

門生輩輕其小兒迺曰此郎亦管中窺豹

時見一斑子敬瞋目曰遠慙荀奉倩近愧劉真長遂拂

衣而去

荀劉
已見

謝公聞羊綏佳致意令來終不肯詣

羊氏譜曰綏字仲
房太山人父楷尚

書郎綏仕至
中書侍郎

後綏為太學博士因事見謝公公即取以

為主簿

王右軍與謝公詣阮公

阮思
曠也

至門語謝故當共推主人

謝曰推人正自難

太極殿始成

徐廣晉紀曰孝武寧康二年尚書令王彪
之等故改作新宮大元三年二月內外軍

六千人始啓築至七月而成太極殿高八丈長二十七丈廣十丈尚書謝萬監視賜爵關內侯大匠毛安之關

中侯王子敬時為謝公長史謝送版使王題之王有不平

色語信云可擲著門外謝後見王曰題之上殿何若昔魏朝韋誕諸人亦自為也王曰魏阼所以不長謝以為

名言

宋明帝文章志曰太元中新宮成議者欲屈王獻之題榜以為萬代寶謝安與王語次因及魏時起

陵雲閣志題榜乃使韋仲將縣梯上題之此下須髮盡白裁餘氣息還語子弟云宜絕措法安欲以此風動其意王解其旨正色曰此奇事韋仲將魏朝大臣寧可使其若此有以知魏德之不長安知其心乃不復逼之

王恭欲請江廬奴為長史晨往詣江江猶在帳中王坐

不敢即言良久乃得及江不應

盧奴江鼓小字也晉安帝紀曰鼓字仲凱濟陽

人祖正散騎常侍父彰僕射並以義正器素知名當世致歷位內外簡退著稱歷黃門侍郎驃騎咨議

直

喚人取酒自飲一盃又不與王王且笑且言那得獨飲

江云卿亦復須邪更使酌與王王飲酒畢因得自解去

未出戶江歎曰人自量固為難

宋書曰鼓即湘州江夷之父也夷字茂達湘州

史刺

孝武問王爽卿何如卿兄王答曰風流秀出臣不如恭

忠孝亦何可以假人

中興書曰爽忠孝正直烈宗崩王國寶夜開門入為遺詔爽為黃門

郎距之曰大行晏駕太子未立

數有先入者斬國寶懼乃止

王爽與司馬太傅飲酒太傅醉呼王為小子王曰亡祖

長史與簡文皇帝為布衣之交亡姑亡姊伉儷二宮何

小子之有

中興書曰王濛女諱穆之為哀帝皇后王藍女諱法惠為孝武皇后

張玄與王建武先不相識

張玄已見建武王忱也晉安帝紀曰忱初作荊州刺史後

為建武將軍

後遇於范豫章許范令二人共語

范宵已見

張因正

坐斂衽王熟視良久不對張大失望便去范苦譬留之

遂不肯住范是王之舅

王氏譜曰王坦之娶順陽郡范汪女名蓋即甯妹也生忱

乃

讓王曰張玄吳士之秀亦見遇於時而使至於此深不可解王笑曰張祖希若欲相識自應見詣范馳報張張便束帶造之遂舉觴對語賓主無愧色

雅量第六

豫章太守顧劭

環濟吳絕曰劭字孝則吳郡人年二十
七起家為豫章太守舉善以教民風化

大行是雍之子劭在郡卒雍盛集僚屬自圍棋

江表傳曰
雍字元歎

曾就蔡伯喈伯喈賞異之以其名與之吳志曰雍累遷
尚書令封陽遂鄉侯并侯還第家人不知為人不敢酒
宴言語殊權嘗曰顧侯在
坐令人不樂位至丞相

外啟信至而無兒書雖神氣

不變而心了其故以爪搯掌血流沾褥賓客既散方歎

曰已無延陵之高豈可有喪明之責

禮記延陵季子適齊及其反也其長

子死葬於贏博之間孔子曰延陵季子吳之習於禮者也往而觀其葬焉其坎深不至於泉其斂以時服既奠而封廣輪掩坎其高可隱也既封左袒右還其封且號者三曰骨肉歸復於土命也若魂氣則無不之也而遂行孔子曰延陵季子之於禮也其合矣乎子夏哭其子而喪其明曾子弔之曰朋友喪明則哭之曾子哭子夏亦哭曰天乎子之無罪也曾子怒曰商女何無罪也吾與女事夫子於洙泗之間退而老於西河之上使西河之民疑女於夫子爾罪一也喪爾親使民未有聞焉爾罪二也喪爾子喪爾明爾罪三也子夏拔其杖而拜曰

吾過矣
吾過矣

於是豁情散哀顏色自若

嵇中散臨刑東市神氣不變索琴彈之奏廣陵散曲終

曰袁孝尼嘗請學此散吾靳固不與廣陵散於今絕矣

晉陽秋曰初康與東平呂安親善安嫡兄遊淫安妻徐氏安欲告遊遣妻以咨於康康喻而抑之遊不自安陰告安嫡母表求徙邊安當徙訴自理辭引康文士傳曰呂安罹事康詣獄以明之鍾會庭論康曰今皇道開明四海風靡邊鄙無詭隨之民街巷無異口之議而康上不臣天子下不事王侯輕時傲世不為物用無益於今有敗於俗昔太公誅華士孔子戮少正卯以其負才亂羣惑衆也今不誅康無以清潔王道於是錄康閉獄臨死而兄弟親族咸與共別康顏色不變問其兄曰向以琴來不邪兄曰以來康取調之為太平引曲成嘆曰太

平引於今絕也

太學生三千人上書請以為師不許文王亦尋

悔焉

王隱晉書曰康之下獄太學生數千人詣之於時
豪俊皆隨康入獄悉解喻一時散遣康竟與安同

誅

夏侯太初嘗倚柱作書時大雨霹靂破所倚柱衣服焦

然神色無變書亦如故賓客左右皆跌蕩不得住

見顏
愷之

書贊語林曰太初從魏帝拜陵陪列於松柏下時暴雨
霹靂正中所立之樹冠冕焦壞左右觀之皆伏太初顏
色不改臧榮緒又

以為諸葛誕也

王戎七歲嘗與諸小兒遊看道邊李樹多子折枝諸兒
競走取之唯戎不動人問之答曰樹在道邊而多子此

必苦李取之信然

名士傳曰戎由是幼有神理之稱也

魏明帝於宣武場上斷虎爪牙縱百姓觀之王戎七歲亦往看虎承間攀欄而吼其聲震地觀者無不辟易顛仆戎湛然不動了無恐色

竹林七賢論曰明帝自問上筮見使人問戎姓名而異之

王戎為侍中南郡太守劉肇遺筒中篋布五端戎雖不受厚報其書

晉陽秋曰司隸校尉劉毅奏南郡太守劉肇以布五十疋雜物遺前豫州刺史王戎

植車微付廷尉治罪除名終身戎以書未達不坐竹林七賢論曰戎親肇書議者僉以為識世祖惠之乃發口

詔曰以戎之為士義豈懷私議者乃息戎亦不謝

裴叔則被收神氣無變舉止自若求紙筆作書書成救

者多乃得免後位儀同三司

晉諸公贊曰楷息瓚取楊駿女駿誅以相婚黨收付

廷尉侍中傅祗證楷素意由此得免名士傳曰楚王之難李羣惡楷名重收將害之楷神色不變舉動自若諸人請救得免晉陽秋曰楷

與王戎俱加儀同三司

王夷甫嘗屬族人事經時未行遇於一處飲燕因語之

曰近屬尊事那得不行族人大怒便舉標擲其面夷甫

都無言盥洗畢牽王丞相臂與共載去在車中照鏡語

丞相曰汝看我眼光迺出牛背上

王夷甫蓋自謂風神莫俊不至與人校

裴遐在周馥所馥設主人

鄧萊晉紀曰馥字祖宣汝南人代劉淮為鎮東將軍鎮壽

陽移檄四方欲奉迎天子元

皇使甘卓攻之馥出奔道卒

遐與人圍恭馥司馬行酒

遐正戲不時為飲司馬恚因曳遐墜地遐還坐舉止如

常顏色不變復戲如故王夷甫問遐當時何得顏色不

異答曰直是闇當故耳

一作闇故當耳一作真是闇將故耳

劉慶孫在太傅府一時人士多為所構唯庾子嵩縱心事外無迹可間後以其性儉家富說太傅令換千萬冀

其有吝於此可乘

晉陽秋曰劉興宇慶孫中山人有豪俠才算善交結為范陽王旭所暱旭

薨太傅名之大相委仗用為長史八王故事曰司馬超字元起高密王泰長子少尚布衣之操為中外所歸累

遷司空

太傅於衆坐中問庾庾時頽然已醉幘墮几上

太傅

以頭就穿取徐答云下官家故可有兩妾千萬隨公所取於是乃服後有人向庾道此庾曰可謂以小人之慮度君子之心

王夷甫與裴景聲志好不同景聲惡欲取之卒不能回乃故詣王肆言極罵要王答已欲以分謗王不為動色

徐曰白眼兒遂作

晉諸公贊曰邈字景聲河東聞喜人少有通才從兄願器賞之每與清言

終日達曙自謂理構多如輒每謝之然未能出也歷太
傳從事中郎左司馬監東海王軍事少為文士而經事
為將雖非其才
而以罕重稱也

王夷甫長裴成公四歲不與相知時共集一處皆當時
名士謂王曰裴令令望何足計王便卿裴裴曰自可全

君雅志

裴頠
已見

有往來者云庾公有東下意或謂王公可潛稍嚴以備
不虞王公曰我與元規雖俱王臣本懷布衣之好若其

欲來吾角巾徑還烏衣

丹陽紀曰烏衣之起吳時烏衣
營處所也江左初立琅邪諸王

所何所稍嚴

中興書曰於是風塵自消內外緝穆

王丞相主簿欲檢校帳下公語主簿欲與主簿周旋無為知人几案間事

祖士少好財阮遙集好屐並恒自經營同是一累而未

判其得失

祖約別傳曰約字士少范陽道人累遷平西將軍豫州刺史鎮壽陽與蘇峻反峻敗約投石

勒約本幽州冠族賓客填門勒登高望見車騎大驚又使占奪鄉里先人田地地主多恨勒惡之遂誅約晉陽秋曰阮孚字遙集陳留人咸第二子也少有智調而無偽吳景遷侍中吏部尚書廣州刺史

人有詣

祖見料視財物客至屏當未盡餘兩小簾著背後傾身

障之意未能平或有詣阮見自吹火蠟屐因歎曰未知

一生當著幾量屐神色閒暢於是勝負始分

字別傳曰
字鳳韻疏

記少有

門風

許侍中顧司空俱作丞相從事爾時已被遇遊宴集聚

略無不同

晉百官名曰許琮字思文葦興陽羨人許氏
譜曰琮祖璠字子良永興長父璩字季顯烏

程令琮任至

吏部侍郎

嘗夜至丞相許戲二人歡極丞相便命使

入已帳眠顧至曉回轉不得快孰許上牀便啗臺大斝

丞相顧諸客曰此中亦難得眠處

顧和士君考少知名
族人顧榮曰此我家

騏驎也必與吾宗仕至尚

書今五子治肥淳履之

庾太尉風儀偉長不輕舉止時人皆以為假亮有大兒

數歲雅重之質便自如此人知是天性温太真嘗隱慢

怛之此兒神色恬然乃徐跪曰君侯何以為此論者謂

不減亮蘇峻時遇害

庾氏譜曰會字會宗太尉亮
長子年十九咸和六年遇害

或云

見阿恭知元規非假

阿恭會
小字也

褚公於章安令遷太尉記室叅軍

按庾亮啟叅佐名表
時直為叅軍不掌記

也名字已顯而位微人未多識公東出乘估客船送故

吏數人投錢唐亭住

錢唐縣記曰縣近海為潮漂沒縣諸豪姓斂錢雇人輦土為塘因以

為名也

爾時吳興沈充為縣令

未詳

當送客過浙江客出亭

吏驅公移牛屋下潮水至沈令起彷徨問牛屋下是何

物人吏云昨有一僧父來寄亭中

晉陽秋曰吳人以中州人為僧

有尊

貴客權移之令有酒色因遙問僧父欲食齋不姓何等

可共語褚因舉手答曰河南褚季野遠近久承公名令

於是大遽不敢移公便於牛屋下修刺詣公更宰殺為

饌具於公前鞭撻亭吏欲以謝慙公與之酌宴言色無

異狀如不覺令送公至界

郝太傅在京口遣門生與王丞相書求女婿丞相語郝
信君往東廂任意選之門生歸白郝曰王家諸郎亦皆
可嘉聞來覓婿咸自矜持唯有一郎在東床上坦腹卧
如不聞郝公云正此好訪之乃是逸少因嫁女與焉

王氏

譜曰逸少羲之小字羲之妻

太傅郝鑿女名璐字子房

過江初拜官輿飾供饌羊曼拜丹陽尹客來早者並得
佳設日晏漸罄不復及精隨客早晚不問貴賤

曼別傳曰曼字

延祖泰山南城人文登陽平太守曼顏紘宏任欽酒誕
節與陳留阮放等號克州八達累遷丹陽尹為蘇峻所
害

羊固拜臨海竟日皆美供雖晚至亦獲盛饌時論以

固之豐華不如曼之真率

明帝東宮僚屬名曰固字道安太山人文字志曰固父坦

車騎長史固善草行著名一時避亂渡

江累遷黃門侍郎褒其清儉贈大鴻臚

周仲智飲酒醉瞋目還面謂伯仁曰君才不如弟而橫

得重名須臾舉蠟燭火擲伯仁伯仁笑曰阿奴火攻固

出下策耳

孫子兵法曰火攻有五一日火人二曰火積三日火庫四曰火軍五曰火隊凡軍必知五

火之變故以

火攻者明也

顧和始為揚州從事月旦當朝未入頃停車州門外周
侯詣丞相歷和車邊

語林曰周侯飲酒已醉著
白袷憑兩人來詣丞相

和覓蝨

夷然不動周既過反還指顧心曰此中何所有顧搏蝨
如故徐應曰此中最是難測地周侯既入語丞相曰卿

州吏中有一令僕才

中興書曰和有
標量弱冠知名

庾太尉與蘇峻戰敗率左右十餘人乘小船西奔

晉陽
秋曰

蘇峻作逆詔亮都督征討戰於建陽門
外王師敗績亮於陳攜二弟奔温嶠

亂兵相剝掠射

誤中施工應弦而倒舉船上咸失色分散亮不動容徐

曰此手那可使者賊衆迺安

庾小征西嘗出未還婦母阮是劉萬安妻

劉氏譜曰劉綏妻陳留阮

蕃女字幼城綏別見

與女上安陵城樓上俄頃翼歸策良馬盛輿

衛阮語女問庾郎能騎我何由得見婦告翼

庾氏譜曰翼娶高平

劉綏女字靜女

翼便為於道開鹵簿盤馬始兩轉墜馬墮地意

色自若

宣武桓與簡文太宰

武陵王晞

共載密令人在輿前後鳴鼓

大叫鹵簿中驚擾太宰惶怖求下輿顧看簡文穆然清

恬宣武語人曰朝廷間故復有此賢

續晉陽秋曰帝性深雅有局鎮嘗與

桓溫太宰武陵王晞同乘至板橋溫密勅令無因鳴角鼓諒部伍並驚馳溫陽駭異晞大震帝舉止自若音頗無變溫每以此稱其德量

故論者謂溫服慚也

王劭王蒼共詣宣武

劭蒼別傳曰劭字敬倫丞相導第五子清貴簡素研味玄疇大司馬

桓溫稱為鳳雛累遷尚書僕射吳國內史蒼字敬文丞相最小子有清譽夷泰無競仕至鎮軍將軍

正值

收庾希家

中興書曰希字始秀司空冰長子累遷徐兗二州刺史希兄弟貴盛桓溫忌之諷免希官

逸奔於暨陽初郭璞筮冰子孫必有大禍唯因三陽可以自後故希求鎮山陽弟友為東陽希自家暨陽及溫誅希弟柔倩聞希難逃於海陵後還京口聚眾事敗為溫所誅

蒼不自安遂巡欲去劭

堅坐不動待收信還得不定迺出論者以劬為優

桓宣武與郝超議芟夷朝臣條牒既定其夜同宿

續晉陽秋

曰超謂溫雄武當樂推之運遂深自委結溫亦深相器重故潛謀密計莫不預焉

明晨起呼謝

安王坦之入擲疏示之郝猶在帳內謝都無言王直擲

還云多宣武取筆欲除郝不覺竊從帳中與宣武言謝

含笑曰郝生可謂入幕賓也

帳一作帷

謝太傅盤桓東山時與孫興公諸人汎海戲

中興書曰安先居會

稽興支道林王羲之許詢共游處出則漁

弋山水入則談說屬文未嘗有處世意也

風起浪湧淙

王諸人色並遽便唱使還太傅神情方王吟嘯不言舟人以公貌閒意說猶去不止既風轉急浪猛諸人皆誼動不坐公徐云如此將無歸衆人即承響而回於是審其量足以鎮安朝野

桓公伏甲設饌廣延朝士因此欲誅謝安王坦之

晉安帝紀

曰簡文晏駕遺詔桓溫依諸葛亮王導故事溫大怒以為然其權謝安王坦之所建也入赴山陵百官拜於道側在位望者戰慄失色或云自此欲殺王謝 王甚遽問謝曰當作何計謝神

意不變謂文度曰晉祚存亡在此一行相與俱前王之

恐狀轉見於色謝之寬容愈表於貌望階趨席方作洛

生詠諷浩浩洪流桓憚其曠遠乃趣解兵

按宋明帝文章志曰安能

作洛下書生詠而少有異疾語音濁後名流多效其咏弗能及手掩鼻而吟馬桓溫止新亭大陳兵衛呼安及坦之欲於坐客之王入失厝倒執手版汗流霑衣安神姿舉動不異於常舉目偏歷溫左右衛士謂溫曰安聞諸侯有道守在四隣明公何有壁間著阿堵輩溫笑曰正自不能不爾於是矜莊之心頓盡命部左右促燕行

陽笑語

王謝舊齊名於此始判優劣

移日

謝太傅與王文度共詣郝超日旰未得前王便欲去謝

曰不能為性命忍俄頃

超得寵桓溫專殺生之威

支道林還東

高逸沙門傳曰逸為哀帝所迎游京邑久心在故山乃拂衣王都還就岩穴

時

賢並送於征虜亭

丹陽記曰太安中征虜將軍謝安立此亭因以為名

蔡子叔前

至坐近林公

中興書曰蔡系字子叔濟陽人司徒謨第三子有文理性至樞軍長史

謝萬

石後來坐小遠蔡暫起謝移就其處蔡還見謝在焉因

合褥舉謝擲地自復坐謝冠憤傾脫乃徐起振衣就席

神意甚平不覺曠沮坐定謂蔡曰卿奇人殆壞我面蔡

答曰我本不為卿面作計其後二人俱不介意

郝嘉賓欽崇釋道安德問

安和尚傳曰釋道安者常山薄柳人本姓衛年十二作沙

門神性聰敏而貌至陋佛圖澄甚重之值石氏亂於陸
渾山木食修學為慕容俊所逼乃往襄陽以佛法東流
經籍錯謬更為條章標序篇目為之
注解自支道林等皆宗其理無疾卒
餉米千斛修書累

紙意寄殷勤道安答直云損米愈覺有待之為煩

謝安南免吏部尚書還東

晉百官名曰謝奉字弘道會稽山陰人謝氏譜曰奉祖端

散騎常侍父鳳丞相主簿奉歷安南將軍廣州刺史吏部尚書

謝太傅赴桓公司馬出

西相遇破岡既當遠別遂停三日共語太傅欲慰其失
官安南輒引以他端雖信宿中塗竟不言及此事太傅
深恨在心未盡謂同舟曰謝奉故是奇士

戴公從東出謝太傅往看之謝本輕戴見但與論琴書戴

既無吝色而談琴書愈妙謝悠然知其量

晉安帝紀曰戴逵字安道

燕國人少有清操恬和通任為劉真長所知性甚快暢

泰於娛生好鼓琴善屬文尤樂遊燕多與高門風流者

遊談者許其通隱屢辭

徵命遂著高尚之稱

謝公與人圍碁俄而謝玄淮上信至看書竟默然無言

徐向局客問淮上利害答曰小兒輩大破賊意色舉止

不異於常

續晉陽秋曰初苻堅南寇京師大震謝安無懼色方命駕出墅與兄子玄圍碁夜還乃處

分少日皆辨破賊又無吝容其高量如此謝車騎傳曰
此賊苻堅傾國大出東號百萬朝廷遠詣軍距之凡八

萬堅進屯壽陽主為前鋒都督與從弟琰等選精銳法
戰射傷堅俘獲數萬計得偽輦及雲母車寶器山積錦
蜀萬端牛馬驢

騾駝十萬頭匹

王子猷子敬曾俱坐一室上忽發火子猷遽走避不惶

取屐

晉百官名曰王徽之字子猷中興書曰徽之義之
第五子卓犖不羸欲為傲連仕至黃門侍郎

子敬神色恬然徐喚左右扶憑而出不異平常

續晉陽
秋曰猷

之雅不修賞賈
而容止不妄

世以此定二王神宇

苻堅遊魂近境

堅別見

謝太傅謂子敬曰可將當軸了其

此處

王僧彌謝車騎共王小奴許集

王珉謝玄並已見
小奴王蒼小字也

僧彌

舉酒勸謝云奉使君一觴謝曰可爾

謝玄曾為徐
州故云使君

僧彌

勃然起作色曰汝故是吳興溪中釣碣耳何敢講張

叔玄

父安曾為吳興玄少
時從之遊故珉云然

謝徐撫掌而笑曰衛軍僧彌殊不

肅省乃侵陵上國也

王東亭為桓宣武主簿既承藉有美譽公甚欲其人地
為一府之望初見謝失儀而神色自若坐上賓客即相
貶笑公曰不然觀其情貌必自不允吾當試之後因月

朝閣下伏公於內走馬直出突之左右皆宿仆而王不

動名價於是大重咸云是公輔器也

續晉陽秋曰功初辟大司馬據桓溫

至重之常稱王據必

為黑頭公未易才也

太元末長星見孝武心甚惡之

徐廣晉紀曰太元二十一年九月有彗星如粉絮

東南行歷須女至央星按太元末唯有此妖不聞長星也且漢文八年有長星出東方文顯注曰長星有光芒或竟天或長十丈或二三丈無常也此星見多為兵革事此後十六年文帝乃崩蓋如長星非關天子世說虛

也夜華林園中飲酒舉梧屬星云長星勸爾一梧酒自

古何時有萬歲天子

殷荊州有所識作賦是東晉慢戲之流

文士傳曰晉字廣微陽平元城

人漢太子太傅疏廣後也王莽末廣曾孫孟遠自東海避難元城改姓去疏之足以為東氏晉博學多識問無不對元康中有人自嵩高山下得竹筒一枚上兩行科斗書司空張華以問晉曰此明帝顯節陵中策文也檢枚果然曾為題賦諸文文甚俳諧三十九歲卒元城為之廢市

殷甚以為有才語王

恭適見新文甚可觀便於手巾函中出之王讀殷笑之不自勝王看竟既不笑亦不言好惡但以如意帖之而已殷悵然自失

羊綏第二子孚少有雋才與謝益壽相好

益壽謝洗小字也

嘗

早往謝許未食俄而王齊王睹來

王睹已見齊王熙小字也中興書曰熙字

叔和恭次弟尚都陽公主太子洗馬早卒

既先不相識王向席有不說色欲

使羊去羊了不眄唯脚委几上咏矚自若謝與王叙寒
溫數語畢還與羊談賞王方悟其竒乃合共語須臾食
下二王都不得餐唯屬羊不暇羊不大應對之而盛進
食食畢便退遂苦相留羊義不住直云向者不得從命
中國尚虛二王是孝伯兩弟

識鑒第七

曹公少時見喬玄玄謂曰天下方亂羣雄虎爭撥而理之非君乎然君實是亂世之英雄治世之姦賊恨吾老矣不見君富貴當以子孫相累

續漢書曰玄字公祖梁國睢陽人少治禮及嚴

氏春秋累遷尚書令玄嚴明有才略長於知人初魏武帝為諸生未知名也玄甚異之魏書曰玄見太祖曰吾見士多矣未有若君者天下將亂非命世之才不能濟也能安之者其在君乎按世語曰玄謂太祖君未有名可交許子將太祖乃遣子將子將納焉孫盛雜語曰太祖嘗問許子將我何如人因問然後子將答曰治世之能臣亂世之姦雄太祖大笑世說所言謬矣

曹公問裴潛曰卿昔與劉備共在荊州卿以備才如何

潛曰使居中國能亂人不能為治若乘邊守險足為一

方之主

魏志曰潛字文行河東人避亂荊州劉表待之宥容禮游私謂王粲司馬芝曰劉牧非霸王之

才而欲以西伯自處其敗

無日矣遂南渡適長沙

何晏鄧颺夏侯玄並求傅嘏交而嘏終不許

魏略曰鄧颺字玄茂

南陽宛人鄧禹之後也少得士名明帝時為中書郎以

與李膺等為浮華被斥正始中遷侍中尚書為人好貨

賦父以父妾與颺得顯官京師為之語曰以官易

富鄧玄茂何晏選不得人顧由颺以黨曹爽誅

諸人

乃因荀彧說合之謂嘏曰夏侯太初一時之傑士虛心

於子而卿意懷不可交合則好成不合則致隙二賢若

穆則國之休此藺相如所以下廉頗也

史記曰相如以功大拜上卿位

在廉頗右頗怒欲辱之相如每稱疾望見引車避匿其舍人欲去之相如曰夫以秦王之威而吾廷叱之何畏廉將軍哉頗秦強趙弱秦以吾二人故不敢加兵於趙今兩虎鬪勢不俱生吾以公家急而後私讐也頗聞謝罪

傅曰夏侯太初志大心勞能合虛譽誠所謂利口覆

國之人何晏鄧颺有為而躁博而寡要外好利而內無

關籛貴同惡異多言而妬前多言多譽妬前無親以吾

觀之此三賢者皆敗德之人爾遠之猶恐罹禍况可親

之邪後皆如其言

傅子曰是時何晏以才辯顯於貴戚之間鄧颺好交通合徒黨鬻聲名於

聞聞夏侯士以貴臣子少有重名皆求交於輟輟不納也輟友人荀策有清議達志然猶勸輟結交云

晉武帝講武於宣武場帝欲偃武修文親自臨幸悉召

羣臣山公謂不宜爾因與諸尚書言孫吳用兵本意遂

究論舉坐無不咨嗟皆曰山少傅乃天下名言

史記曰孫武齊

人吳起衛人並善兵法竹林七賢論曰咸寧中吳既平上將為桃林華山之事息後弭兵示天下以大安於是州郡悉去兵大郡置武吏百人小郡五十人時京師猶講武山濤因論孫吳用兵本意濤為人常簡默蓋以為國者不可以忘戰故及之名士傳曰濤居魏晉之間無所標明嘗與尚書盧欽言及用兵本意武帝聞之曰山少傅名

後諸王驕汰輕構禍難於是寇盜處處蟻合郡

國多以無備不能制服遂漸熾盛皆如公言時人以謂

山濤不學孫吳而闇與之理會王夷甫亦歎云公闇與

道合

竹林七賢論曰永寧之後諸王違禍殺虜殺起皆如濤言名士傳曰王夷甫推歎濤暗暗為與道合

其深不可測

皆此類也

王夷甫父又為平北將軍有公事使行人論不得時夷甫在京師命駕見僕射羊祜尚書山濤夷甫時總角姿才秀異叙致既快事加有理濤甚竒之既退看之不輟乃歎曰生兒不當如王夷甫邪羊祜曰亂天下者必此

子也

晉陽秋曰夷甫父又有簡書將充官夷甫年十七見所繼從舅羊祜中陳事狀辭甚俊偉祜不然之

夷甫拂衣而起祜顧謂賓客曰此人必將以威名處當世大位然敗俗傷化者必此人也漢晉春秋曰初羊祜以軍法欲斬王戎夷甫又忿祜言其必敗不相貴重天下為之語曰二王當朝世人莫敢稱羊公之有德

潘陽仲見王敦小時謂曰君蜂目已露但豺聲未振耳

必能食人亦當為人所食

晉陽秋曰潘滔字陽仲滎陽人太常尼從子也有文學才

識永嘉末為河南尹遇害漢晉春秋曰初王夷甫言東海王越轉王敦為揚州潘滔初為太傅長史言於太傅曰王處仲蜂目已露豺聲未發今樹之江外肆其豪彊之心是賊之也晉陽秋曰敦為太子舍人與滔同僚故有此言習孫二說便小違異春秋傳曰楚之令尹子上謂世子商臣蜂目而豺聲忍人也

石勒不知書

石勒傳曰勒字世龍上黨武鄉人匈奴之苗裔也雄勇好騎射晉元康中流宕山東

與平原荏平人師歎家庸耳恒聞鼓角鐃鐸之音勒私異之初勒鄉里原上地中生石曰長類鐵騎之象國中生人參葩葉甚盛於時父老相者皆云此胡體貌奇異有不可知勒邑人厚遇之人多陋而不信永嘉初豪傑並起與胡王陽等十八騎詣汲桑為左前督桑敗共推勒為主攻下州縣都於襄國後僭正號死謚明皇帝

使人讀漢書聞酈食其勸立六國後刻印將授之大驚

曰此法當失云何得遂有天下至留侯諫乃曰賴有此

耳

鄧欒晉紀曰勒手不能書目不識字每於軍中令人誦讀聽之皆解其意漢書曰項羽急圍漢王於滎陽

漢王與酈食其謀拔楚權食其勸立六國後王令趣刻印張良入諫以為不可輒食吐哺罵酈生曰豎儒幾敗

乃公事趣
全銷印

衛玠年五歲神衿可愛祖太保曰此兒有異顧吾老不

見其大耳

晉詩公贊曰玠字伯玉河東安邑人少以明識清允稱傅綴極青重之謂之宵武子仕至

太保為楚王琇所害玠別傳曰玠有虛令之秀清勝之氣在羣伍之中有異人之望祖太保見玠五歲曰此兒神爽聰令與眾大異恐吾年老不及見爾

劉越石云華彥夏識能不足強果有餘

虞預晉書曰華軼字彥夏平原

人魏太尉散曹孫也累遷江州刺史傾心下士甚得士歡心以不從元皇命見誅漢晉春秋曰劉琨知軼必敗

謂其自取之也

張季鷹辟齊王東曹掾在洛見秋風起因思吳中菰菜羹鱸魚膾曰人生貴得適意爾何能羈宦數千里以要

名爵遂命駕便歸俄而齊王敗時人皆謂為見機

文士傳曰

張翰字季鷹父儼吳大鴻臚翰有清才美望博學善屬文造次立成詞義清新大司馬齊王同辟為東曹掾翰謂同郡顧榮曰天下紛紛未已夫有四海之名者求退良難吾本山林間人無望於時久矣子善以名防前以智慮後榮捉其手愴然曰吾亦與子採南山蕨飲三江水爾翰以疾歸府以輒去除吏名性至孝遭母艱哀毀過禮自以年宿不營當世以疾終於家

諸葛道明初過江左自名道明名亞王庾之下

中興書曰恢避

難過江與潁川荀道明陳留蔡道明俱有名譽號曰中興三明明時人為之語曰京都三明明各有名蔡氏儒雅荀葛先為臨沂令丞相謂曰明府當為黑頭公

語林曰丞相拜司空

諸葛道明在公坐指

冠見曰君當復著此

王平子素不知眉子曰志大其量終當死塢壁間

晉諸公贊

曰王玄字眉子夷甫子也東海王越辟為
掾後行陳留太守大行咸罰為塢人所害

王大將軍始下楊朗苦諫不從遂為王致力乘中鳴雲
露車逕前曰聽下官鼓音一進而捷王先把其手曰事

克當相用為荊州既而忘之以為南郡

晉百官名曰朗
字世彦弘農人

楊氏譜曰朗祖器典軍校尉父淮冀州刺史王隱
晉書曰朗有器識才量若能當世仕至雍州刺史

王敗

後明帝收朗欲殺之帝尋崩得免後兼三公署數十人
為官屬此諸人當時並無名後皆被知遇於時稱其知
人

周伯仁母冬至舉酒賜三子曰吾本謂度江託足無所
爾家有相爾等並羅列吾前後何憂周嵩起長跪而泣
曰不如阿母言伯仁為人志大而才短名重而識闇好
乘人之弊此非自全之道嵩性狼抗亦不容於世唯阿

奴碌碌當在阿母目下耳

鄧集晉紀曰阿奴高之弟周護也三周並已見

王大將軍既亡王應欲投世儒世儒為江州王含欲投

王舒舒為荊州含語應曰大將軍平素與江州云何而

汝欲歸之應曰此乃所以宜往也

晉陽秋曰應字安期含子也敦無子養為

嗣以為武衛將軍用為副貳伏誅

江州當人強盛時能抗同異此非常

人所行及觀衰厄必興愍惻

王彬別傳曰彬字世儒琅邪人祖覽父正並有名德

彬與氣出儕類有雅正之韻與元帝姨兄弟佐佑王業累遷侍中從兄敦下石頭害周伯仁彬與顛素善往哭其尸甚慟既而見敦敦怪其有慘容而問之答曰向哭周伯仁情不能已敦曰伯仁自致刑戮汝復何為者哉

彬曰伯仁清譽之士有何罪因數數曰抗旌犯上殺戮忠良音辭忼慨與波俱下數怒甚丞相在坐代為之解命彬曰拜謝彬曰有足疾此來見天子尚不能拜何跪之有數曰脚疾何如頸疾以覩故不害之累遷江州刺

史左僕射

贈衛將軍

荊州守文豈能作意表行事含不從遂共投

舒舒果沈含父子於江

王舒傳曰舒字處明琅邪人祖覽知名父會御史舒器業簡素

有文武幹中宋用為北中即將荊州刺史尚書僕射出為會稽太守以父名會累表自陳討蘇峻有功封彭澤

侯贈車騎

大將軍

彬聞應當來密具船以待之竟不得來深以

為恨

含之投舒舒遣軍逆之含父子赴水死昔卿寄賈友見譏况賊兄弟以求安舒非人矣

武昌孟嘉作庾太尉州從事已知名褚太傅有知人鑒

罷豫章還過武昌問庾曰聞孟從事佳今在此不庾云卿

自求之褚眄睐良久指嘉曰此君小異得無是乎庾大

笑曰然於時既歎褚之默識又欣嘉之見賞

嘉別傳曰嘉字萬年

江夏鄆人曾祖父宗吳司空祖父揖晉廩陵太守宗英武昌陽新縣子孫家焉嘉少以清操知名太尉庾亮領江州辟嘉郟廩陵從事下都運亮引問風俗得失對曰待還當問從事史亮舉廩尾接口而笑語弟翼曰孟嘉故是盛德人轉勸學從事太傅褚裒有器識亮正旦大會裒問亮聞江州有孟嘉何在亮曰在坐卿但自覓裒歷觀久之指嘉曰將無是乎亮欣然而笑喜裒得嘉奇嘉為裒所得乃益器之後為征西桓溫參軍九月九日溫遊龍山參僚畢集時佐吏並著戎服風吹嘉帽墮落溫戒左右勿言以觀其舉止嘉初不覺良久如廁命取

還之令孫咸作文朝之成者嘉坐嘉還即答曰坐嗟嘆
嘉喜酣暢愈多不亂溫問酒有何好而卿嗜之嘉曰明
公未得酒中趣爾又問聽伎絲不如竹竹不如肉何也
答曰漸近自然轉從事中郎還長史年五十三而卒

戴安道年十餘歲在瓦官寺畫王長史見之曰此童

非徒能畫

續晉陽秋曰造善
圖畫窮巧丹青也

亦終當致名恨吾老不

見其盛時耳

王仲祖謝仁祖劉真長俱至丹陽墓所省殷揚州殊有

确然之志

中興書曰浩棟遠
積年累聘不至

既反王謝相謂曰淵源不

起當如蒼生何深為憂嘆劉曰卿諸人真憂淵源不

起邪

小庾臨終自表以子園客為代

園客爰之小字也庾氏譜曰爰之字仲真翼第

二子中興書曰爰之有父翼風桓溫徙於豫章年三十六而卒

朝廷慮其不從命未知

所遣乃共議用桓溫劉尹曰使伊去必能克定西楚然

恐不可復制

陶侃別傳曰庾翼薨表其子爰之代為荊州何充曰陶公重勳也臨終高讓丞相未

亮敬豫為四品將軍於今不改親則道恩優游散騎未
有超卓若此之授乃以徐州刺史桓溫為安西將軍荆
州刺史宋明帝文章志曰翼表其子代任朝廷畏憚之
識者欲以授桓溫時簡文輔政然之劉悛曰溫去必能
定西楚然恐不能復制願大王自鎮上流悛請
為從軍司馬簡文不許溫後果如悛所算也

桓公將伐蜀在事諸賢咸以李勢在蜀既久承藉累葉
且形據上流三峽未易可克唯劉尹云伊必能克蜀觀
其蒲博不必得則不為

華陽國志曰李勢字子仁洛陽臨涇人本巴西宕渠賈人也其

先李特因晉亂據蜀特子雄稱號成都勢祖驥特弟也
驥生壽壽篡位自立勢即壽子也晉安西將軍伐蜀勢
歸降遷之揚州自起至七六世三十七年溫別傳曰初
朝廷以蜀處險遠而溫衆寡少縣軍深入甚以憂懼而
溫直指成都李勢面縛語林曰劉尹見桓公每嬉戲必
取勝謂曰卿乃爾好利何不焦頭及伐蜀故有此言

謝公在東山畜妓簡文曰安石必出既與人同樂亦不

得不與人同憂

宋明帝文章志曰安縱心事外疏略常節每畜女妓攜持遊肆也

郝超與謝玄不善符堅將問晉鼎既已狼噬梁岐又虎

視淮陰矣

車頻秦書曰符堅字永固武都人也本姓蒲祖父洪詐稱讖文改曰符言已當王應符

命也堅初生有赤光流其室及誕背赤色隱起若篆文幼有美度石虎司隸徐正名知人堅六歲時嘗戲於路正見而異焉問曰符郎此官街小兒行戲不畏縛邪堅曰吏縛有罪不縛小兒正謂左右曰此兒有王霸相石氏亂伯父健及父雄西入關健夢天神使者朱衣冠拜肩頭為龍驤將軍肩頭堅小字也健即拜為龍驤以應神命後健僭帝號死子生立凶暴羣臣殺之而立堅堅立十五年遣長樂公丕攻沒襄陽十九年大興師伐晉衆號百萬水陸俱進次於項城自項城至長安連旂千里首尾不絕乃遣告晉曰已為晉君於長安城中建廣夏之室今故大舉渡江相迎克日入宅也

於時朝議遣玄北討人間頗有異

同之論唯超曰是必濟事吾昔嘗與共在桓宣武府見使才皆盡雖履屐之間亦得其任以此推之容必能立

勲元功既舉時人咸歎超之先覺又重其不以愛憎匿

善

中興書曰于時氏賊強盛朝議求文武良將可鎮靖北方者衛大將軍安曰唯兄子玄可任此事中書郎

郗超聞而歎曰安違衆舉

親明也玄必不負其舉

韓康伯與謝玄亦無深好玄北征後巷議疑其不振康伯

曰此人好名必能戰

續晉陽秋曰玄識局貞正有經國之才略

玄聞之甚忿

常於衆中厲色曰丈夫提千兵入死地以事君親故發

不得復云為名

褚期生少時謝公甚知之恒云褚期生若不佳者僕不

復相士

期生褚爽小字也續晉陽秋曰爽字茂弘河南人太傅裒之孫祕書監詔之子太傅謝安見其

少時嘆曰若期生不佳我不復論士及長果俊邁有風氣好老莊之言當世榮譽弗之屑也唯與族仲堪善累

遷中書郎義興太

守女為恭帝皇后

郗超與傅瑗周旋瑗見其二子並總髮超觀之良久謂瑗曰小者才名皆勝然保卿家終當在兄即傅亮兄弟

也

傅氏譜曰瑗字叔玉北地靈州人歷護軍長史安城太守宋書曰迪字長猷瑗長子也位至五兵尚書贈

太常丘淵之文章錄曰亮字季友迪弟也歷

尚書令在光祿大夫元嘉三年以罪伏誅

王恭隨父在會稽王大自都來拜墓

恭父蘊王
忱並已見

恭暫往

墓下看之二人素善遂十餘日方還父問恭何故多日

對曰與阿大語蟬連不得歸因語之曰恐阿大非爾之

友終乖愛好果如其言

忱與恭為王繪所
周終成怨陳別見

車胤父作南平郡功曹太守王胡之避司馬無忌之難

置郡於鄆陰是時胤十餘歲胡之每出嘗於籬中見而

異焉謂胤父曰此兒當致高名後遊集恒命之胤長又

為桓宣武所知清通於多士之世官至選曹尚書

續音
陽秋

曰肩字武于南平人父育為郡主簿太守王胡之有知人識裁見謂其父曰此兒當成卿門戶宜資令學問肩就某恭勤博覽不倦家貧不常得油夏月則練囊盛數十螢火以繼日焉及長風姿美幼機悟敏率桓溫在荆州取為從事一歲至治中肩既博學多聞又善於激賞當時每有盛坐消必同之皆云無車公不樂太傅謝公遊某之日開筵以待之累遷

丹陽尹復軍將軍軍吏部尚書

王忱死西鎮未定朝貴人人有望時殷仲堪在門下雖居機要資名輕小人情未以方岳相許晉孝武欲拔親近腹心遂以殷為荊州事定詔未出王珣問殷曰陝西

何故未有處分殷曰已有人王歷問公卿咸云非王自計才地必應在已復問非我邪殷曰亦似非其夜詔出用殷王語所親曰豈有黃門郎而受如此任仲堪此舉

迺是國之亡徵

晉安帝紀曰孝武深為晏駕後計擢仲堪代王忱為荊州仲堪雖有美譽議者

未以方岳相許也既受腹心之任居上流之重議者謂其殆矣終為桓玄所敗

賞譽第八

上

陳仲舉嘗嘆曰若周子居者真治國之器

汝南先賢傳曰周乘字子

居汝南安城人天資聰朗高峙嶽立非陳仲舉黃叔度之儔則不交也仲舉嘗嘆曰周子居者真治國之器也

為太山太守
甚有惠政

譬諸寶劍則世之干將

吳越春秋曰吳王闔閭請干時作劍

干將者吳人其妻曰莫邪干將采五山之精六金之英
候天地伺陰陽百神臨視而金鐵之精未流夫妻乃剪
髮及爪而投之壚中金鐵乃濡遂成一劍陽曰干將而
作龜文陰曰莫邪而作漫理干將匿其陽出其陰以獻
闔閭闔閭
甚寶重之

世目李元禮謾如勁松下風

李氏家傳曰膺岳峙淵清峻貌貴重華夏稱曰

潁川李府君顯顯如玉山汝南陳仲舉軒軒如千里馬南陽朱公叔颯颯如行松柏之下

謝子微見許子將兄弟曰平輿之淵有二龍焉見許子

政弱冠之時歎曰若許子政者有幹國之器正色忠蹇

則陳仲舉之匹

汝南先賢傳曰謝甄字子微汝南鄆陵人明識人倫雖郭林宗不及甄之鑒也

見許子將兄弟弱冠時則曰早與之洲有二龍仕為豫章從事許度字子政平與人體尚高潔雅正寬亮謝子微見度兄弟嘆曰若許子政者幹國之器也度弟幼聲未發時時人以為不如度度恒撫解稱幼自以為不及也釋褐為郡功曹無姦廢惡一郡肅然年三十五年海內先賢傳曰許幼字子將度弟也山峙洲停行應規表鄆陵謝子微高才遠識見幼十歲時嘆曰此乃希世之偉人也初幼拔樊子祐於市肆出處承賢於客舍台李叔才於無聞推郭子瑜於小吏廣陵徐孟本來臨汝南聞幼高名台功曹時表結以公族為濮陽長素官運副車從騎將入郡界乃嘆曰許子將秉持清格豈可以吾與服見之邪遂單馬而歸辟公府掾數辟皆不就避地江南卒於

伐惡退不肖范孟博之風

張璠漢紀曰范滂字孟博汝南伊陽

人為功曹辟公府掾升車攬轡有澄清天下之志百城聞滂高名皆解印綬去為黨事見誅

公孫度目郗原所謂雲中白鶴非燕雀之網所能羅也

魏書曰度字叔濟襄平人累遷冀州刺史遷東太守郗原別傳曰原字根矩東管朱虛人少孤數歲時遇吉舍而泣師問曰童子何泣也原曰兄為學者有親也一則願其不孤二則羨其得學中心感傷故泣耳師惻然曰苟欲學不須資也於是就業長則博覽洽聞金玉其行知世將亂避地遼東公孫度厚禮之中國既寧故還鄉里為度築絕原密自治屢謂郗落曰移北近郗以觀其意皆曰樂移原舊有捕魚大船請村落皆令熟醉因夜去之數日度乃覺吏欲追之度曰郗君所謂雲中白鶴非鷄鶩之網所能羅也親王辟祭酒累遷五官中郎長

鍾士季目王安豐阿戎了了解人意

王隱晉書曰戎少清明曉悟

謂

裴公之談經日不竭

裴頠已見

吏部郎闕文帝問其人於鍾

會會曰裴楷清通王戎簡要皆其選也於是用裴

按楷皆

云鍾會薦裴楷王戎於晉文王

文王辟以為掾不聞為吏部郎

王濬冲裴叔則二人總角詣鍾士季須臾去後客問鍾曰向二童何如鍾曰裴楷清通王戎簡要後二十年此二賢當為吏部尚書冀爾時天下無滯才

晉陽秋曰戎為兒童鍾會

之異

諺曰後來領袖有裴秀

虞預晉書曰秀字季秀河東聞喜人父潛魏太常秀有風操八

歲能著文叔父徽有聲名秀年十餘歲有賓客詣徽出則過秀時人為之語曰後進領袖有裴秀大將軍辟為掾父終推財與兄年二十五遷黃門侍郎晉受禪封年鹿公後累遷左光祿司空四十八薨謚元公配食宗廟

裴令公目夏侯太初肅肅如入廊廟中不脩敬而人自

敬

禮記曰周堂為魯哀公曰宗廟社稷之中未施敬而民自敬

一曰如入宗廟琅琅

但見禮樂器見鍾士季如觀武庫但覩矛戟見傅蘭碩

江廣靡所不有見山巨源如登山臨下幽然深遠

立會
綴清

並已

見上

羊公還洛郭奕為野王令

晉諸公贊曰奕字泰素太原陽曲人累世舊族奕有才望

歷雍州刺史

羊至界遣人要之郭便自往既見嘆曰羊叔

史尚書

子何必減郭太業復往羊許小悉還又歎曰羊叔子去人遠矣羊既去郭送之彌日一舉數百里遂以出境免官復嘆曰羊叔子何必減顏子

王戎目山巨源如璞玉渾金人皆欽其實莫能名其器

顧愷之畫贊曰濟無所標明淳深淵默人莫見其際而其器亦入道故見者莫能稱謂而服其偉量

羊長和父繇與太傅祐同堂相善仕至車騎掾早卒長

和兄弟五人幼孤

羊氏譜曰錄字堪前太山人祖績漢太尉不拜父祕京兆太守錄歷車騎

祿粵樂園頑女生五子秉洽式亮悅也

祐來哭見長和哀容舉止宛若成人

人乃嘆曰從兄不亡矣

山公舉阮咸為吏部郎目曰清真寡欲萬物不能移也

名士傳曰咸字仲容陳留人籍凡子也任達不拘當世皆怪其所為及與之處少嗜哀樂至到過絕於人然後皆忘其向儀為散騎侍郎山濤舉為吏部武帝不用太原郭奕見之心醉不覺嘆服解音好酒以率山濤故事曰吏部郎史曜山處缺當選濤薦咸曰真素寡欲深識清濁萬物不能移也若在官人之職必妙絕於時詔用陸亮晉陽秋曰咸行已多違禮度濤舉以為吏部郎世祖不許竹林七賢論曰山濤之舉阮咸固知上不能

用蓋惜曠世之偽其識其意故耳夫以成之所犯
方外之意稱其清真寡欲則方外之意自見耳

王戎目阮文業清倫有鑒識漢元以來未有此人

杜篤新書

曰阮武字文業陳留尉氏人父湛侍中武湖邊博通淵
雅之士陳留志曰武魏末河清太守族子籍年總角未
知名武見而偉之以為勝已知人多此類著書十八篇
謂之阮子終於家郭泰友人宋子俊稱泰自漢元以來
未有林
宋之匹

武元夏目裴王曰戎尚約楷清通

虞預晉書曰武陵字元夏沛國竹邑人父

周魏光祿大夫陔及二弟歆茂皆總角見稱並有器望
鄉人諸父未能覺其多少時同郡劉公榮名知人嘗造
周周見其三子公榮曰君三子皆國士元夏器量最優
有輔佐之風力仕宦可為亞公叔夏季夏不減常伯納

言也 陔至

左僕射

庾子嵩目和嶠森森如千丈松雖磊砢有節目施之大

厦有棟梁之用

晉諸公贊曰嶠常慕其舅夏侯士為人
故於朝士中峨然不羣時類憚其風節

王戎云太尉神姿高徹如瑤林瓊樹自然是風塵外物

名士傳曰夷甫天形奇特明秀若神八王故事曰石勒
見夷甫謂長史孔萇曰吾行天下多矣未嘗見如此人
富可活不萇曰彼晉三公不為我用勒曰
雖然要不可加以鋒刃也夜使推墻殺之

王汝南既除所生服遂停墓所兄子濟每來拜墓畧
不過叔叔亦不候濟脫時過止寒溫而已後聊試問近

事答對甚有音辭出濟意外濟極惋愕仍與語轉造精
微濟先略無子姪之敬既聞其言不覺慄然心形俱肅
遂留共語彌日累夜濟雖雋爽自視缺然乃喟然嘆曰
家有名士三十年而不知濟去叔送至門濟從騎有一
馬絕難乘少能騎者濟聊問叔好騎乘不曰亦好爾濟又
使騎難乘馬叔姿形既妙回策如縈名騎無以過之濟
益嘆其難測非復一事

鄭棗晉紀曰王湛字處沖太原人德德人莫之知雖兄弟宗族

亦以為痴唯父昶異馬昶喪居墓次兄子濟往者湛見
牀頭有周易謂湛曰叔父用此何為頰曾看不湛笑曰

體中佳時脫後看耳今日當與汝言因共談易剖析入微妙古奇趣濟所未聞嘆不能測濟性好馬而所乘馬駿駛意湛愛之湛曰此雖小駿然力薄不堪若近見督郵馬當勝此但養不至耳濟取督郵馬穀食十數日與湛試之湛未嘗乘馬卒然便馳騁步驟不異於濟而馬不相勝湛曰今直行車路何以別馬勝不唯當就蟻封耳於是就蟻封盤馬果

既還渾問濟何以暫行累日濟

倒路其偽識天才乃爾

曰始得一叔渾問其故濟具歎述如此渾曰何如我濟曰濟以上人武帝每見濟輒以湛調之曰卿家癡叔死未濟常無以答既而得叔後武帝又問如前濟曰臣叔不癡稱其實美帝曰誰比濟曰山濤以下魏舒以上

晉陽

秋日濟有人偷盜識其雅俗是非少所優潤見港歎服其德字時人謂港上方山濤不足下比魏舒有餘港聞之曰其以我處季孟之間乎王隱晉書曰魏舒字陽元任城人幼孤為外氏寡家所養寡氏起宅相者曰當出貴甥外祖母意以戚氏甥小而意謂應相也舒曰當為外氏成此宅相少名逸鈍叔父衛使守水碓每言舒堪八百戶長我願早矣舒不以介意身長八尺二寸不修常人近事少工射著韋衣入山澤每獵大獲為後將軍鍾毓長史毓與參佐射戲舒常為坐畫籌後值朋人少以舒充數於是發無不中加搏措閒雅殆盡其妙毓嘆謝之曰吾之不足畫卿如此射矣轉相國參軍晉王每朝罷目送之曰魏舒堂堂人之領袖累遷侍中司徒於是顯名年二十八始宦

裴僕射時人謂為言談之林藪

惠帝起居注曰顧理甚淵博瞻於倫難

張華見褚陶語陸平原曰君兄弟龍躍雲津顧彥先鳳

鳴朝陽謂東南之寶已盡不意復見褚生陸曰公未覩

不鳴不躍者耳

褚氏家傳曰陶字季雅吳郡錢塘人褚先生後也陶聰惠絕倫年十三作鷗鳥

水碓二賦宛陵嚴仲弼見而奇之曰褚先生復出矣弱
不好弄清淡閑默以墳典自娛語所親曰聖賢備在黃
卷中舍此何求州郡辟不就吳歸命世祖補臺郎廷忠
校討司空張華與陶書曰二陸龍躍於江漢彥先鳳鳴
於朝陽自此以來常恐南金已盡而復得之於吾
子故知延州之德不孤淵盛之寶不匱任至中尉

有問秀才吳舊姓何如答曰吳府君聖王之老成明時
之雋又朱永長理物之至德清選之高望嚴仲弼九臯

之鳴鶴空谷之白駒顧彥先八音之琴瑟五色之龍章
張威伯歲寒之茂松幽夜之逸光陸士衡士龍鴻鵠之

裴回懸鼓之待槌

秀才蔡洪也集載洪與刺史周俊書
曰一日侍坐言及吳士詢于芻蕘選

見下問造次承顏載辭不舉敕令條列名狀退輒思之
今稱疏所知吳辰字士季下邳人忠足矯非清足勵俗
信可結神才堪幹世任吳為廣州刺史吳郡太守吳平
運下邳閉門自守不交賓客誠聖王之老成明時之雋
乂也朱誕字永長吳郡人體履清和黃中通理吳朝舉
賢良累遷議郎今歸在家誠理物之至德清逸之高望
也嚴隱字仲弼吳郡人稟氣清純思度淵偉吳朝舉賢
良宛陵令吳平去職九章之鳴鶴空谷之白駒也張暢
字威伯吳郡人稟性堅明志行清朗居磨澁之中無淄
磷之損歲寒之松柏幽夜之逸光也陸雲別傳曰雲字

士龍吳大司馬抗之第五子機同母之弟也儒雅有俊
才容貌瓌偉口敏能談博聞強記善著述六歲便能賦
詩時人以為項託揚烏之儔也年十八刺史周俊命為
主簿俊常嘆曰陸士龍當今之顏淵也累遷太子舍人
清河內史為
成都王所害 凡此諸君以共筆為鉏耒以紙札為良田

以玄默為稼穡以義理為豐年以談論為英華以忠恕
為珍寶著文章為錦繡蘊五經為繒帛坐謙虛為席薦
張義讓為帷幙行仁義為室宇修道德為廣宅

按蔡所
論士十

六人無陸機兄弟又無
凡此諸君以下疑益之

人問王夷甫山巨源義理何如是誰輩王曰此人初不

肯以談自居然不讀老莊時聞其咏往往與其旨合

顧愷

之畫贊曰濤有而不恃皆此類也

不恃皆此類也

洛中雅雅有三嘏劉粹字純嘏宏字終嘏漢字冲嘏是

親兄弟王安豐甥並是王安豐女壻宏真長祖也

晉諸公贊

曰粹字國入歷侍中南中郎將宏歷秘書監光祿大夫

晉後略曰漢少以清識為名與王夷甫友善並好以人

倫為意故世人許以才智之名自相國右長史出為襄

州刺史以貴簡稱按劉氏譜劉卯妻武周女生粹宏漢

非王洛中錚錚馮惠卿名孫是播子

晉後略曰播字友聲長樂人位至大

宗正生孫八王故事曰孫少以才悟識當世

之宜早歷清職任至侍中為長沙王所害

孫與邢喬

俱司徒李膺外孫及膺子順並知名時稱馮才清李才

明純粹邢

晉諸公贊曰喬字曾伯河間人有才學仕至司隸校尉順字曼長仕至太僕卿

衛伯玉為尚書令見樂廣與中朝名士談議奇之曰自

昔諸人沒已來常恐微言將絕今乃復聞斯言於君矣

命子弟造之曰此人人之水鏡也見之若披雲霧覩青

天晉陽秋曰尚書令衛瓘見廣曰昔何平叔諸人沒常謂清言盡矣今復聞之於君王隱晉書曰衛瓘有名

理及與何晏鄧颺等數共談講見廣奇之曰每見此人則瑩然猶廓雲霧而覩青天

王太尉曰見裴令公精明朗然籠蓋人上非凡識也若

死而可作當與之同歸或云王戎語

禮記曰趙文子與叔譽觀於九原文

子曰死者如可作也吾

誰與歸鄭玄曰作起也

王夷甫自嘆我與樂令談未嘗不覺我言為煩

晉陽秋曰樂廣

善以約言厭人心其所不知默如也太尉王夷甫光祿大夫裴叔則能清言常曰與樂君言覺其簡至吾等皆煩

郭子玄有儁才能言老莊庾敞嘗稱之每曰郭子玄何

必減庾子嵩

名士傳曰郭象字子玄自黃門郎為太傅主簿任事用勢傾動一府敞謂象曰卿自

是當世大才我疇昔之意都已

盡矣其代理推心皆此類也

王平子目太尉阿兄形似道而神鋒太雋太尉答曰誠

不如卿落落穆穆

王隱晉書曰丞通朗
好人倫情無所繫

太傅府有三才劉慶孫長才

晉陽秋曰太傅將台劉興
或曰興猶賦也近將汗人


太傅疑而禦之興乃密視天下兵簿諸屯戍及倉庫處
所人穀多少牛馬器械水陸地形皆默識之是時軍國
多事每會議事自潘滔以下皆不知所對興便屈指以
籌計所發兵伏處所糧廩運轉事無凝滯於是太傅遂
委仗

潘陽仲大才裴景聲清才

八王故事曰劉興才長
絲數潘滔以博學為名

裴邈強立方正皆為東海王所曜供顯一
府故時人稱曰興長才滔大才邈清才也

世說新語卷中之上



總校官庶吉士 臣張能照

校對官助教 臣金學詩

謄錄監生 臣趙興吾